

誠意伯文集

一
函
十二冊

太師誠意伯劉文成公集卷之十三

芝田令新陽後學萬里續梓裔孫標男宗爍編

五言古詩

種懷香

懷香體虛柔本自南土出毛芒散纖葉旖旎怯朝日芳菲挺
衆卉辛美更無匹况能已疝瘕兼理腸胃疾種之近庭階離
離看新茁驅童斬竹枝扶植待秋實常恐風雨惡摧折傷弱
質蒺藜生道傍延蔓何綿密豈無荷鋤人夕薙旦已出上天
意何如感嘆靡終畢松柏多斧斤山林日蕭瑟

北上感懷

倦鳥思一枝，櫪馬志千里。營營勞生心，出入靡定止。伊余朽
鈍材，嬾拙更無比。才疎乏世用，嗜癖惟書史。雖非濟時具，頗
識素餐恥。旣懷黎民憂，妄意古人企。寧知乖圓方，舉足輒傷
趾。塵埃百病侵，貧窶萬感累。艱難幸息肩，遲莫竊所喜。明時
登驥騄，驚馬但垂耳。自非冀北姿，莫羨追風駛。便欲解衣冠
躬耕向桑梓，終懷葵藿戀。不慕沮溺詭，潛陽動原隰。白日曛
蘭芷，蜻雞戒晨鳴。客子駕行李，縈紆越巘嶂。浩蕩涉風水，淹
留具區北。信宿滄江圯，維時連年歉。道路多流徙，官司職撫
字。黔首皆赤子，陳紅太倉米。豐年所儲備，爲民備乏困。朝廷
豈私此，推餘補不足。茲實王政始，臣子宜奉承。天威不遠咫，

奈何簿書曹暴慢蔑至理苟云出納吝當閔穀殫死嗚呼草
莽露慘惻溝瀆委聞之猶鼻酸見者宜顙泚踰淮入大河淒
涼更難視黃沙渺茫茫白骨積荒蕭哀哉耕食塲盡作狐兔
壘太平戢干戈景物未應爾意者斯人徒縱欲擾天紀鬼神
赫震怒咎戾良有以去年人食人不識弟與姊至今盜賊輩
嘯聚如蜂蟻長戈耀白雪健馬突封豕豈惟橫山澤已敢剽
城市途行絕稀少空車但牆倚身行須結集一寐四五起牧
民豈無人司寇亦有氏陣車不驅馳大田無耒耜邦家祿食
恩豈爲臣奉已山東古要地燕趙猶唇齒况茲南北衝津梁
通遠邇屬當全盛時四海同一軌廟堂多稷契振舉無遺弛

勿云疥癬微不足成瘡痛滔天起濫觴炎岡發星烜虞朝有
分北漢庭煩直指農夫植嘉穀所務誅稂秕耕耘苟失時雨
露空沾灑威懷豈異任守令職非庠端能慎黜陟此輩何足
弭故鄉隔山川前途塞荆枳青徐氣蕭索河濟俱泥滓痛哭
賈生狂長歎漆室裏何當天門開清問逮下里

送普顏子壽赴廣西憲幕

離維荆衡南運迤走蠻徼民風雜徭蜚地勢帶蒙詔迢迢商
周前風水絕纖窳後王務廣土懷柔倚攻剽羈縻非本情疲
痼復誰療大明倬日月幽裔靡不照化育之所加欣榮及蓬
蓽憲府繩百司選擇自廊廟偏方異習俗賦性實同調培養

自殊途激揚貴知要淒涼溪上瀧鰕魚困骨釣高風吹霜體
縹緲集海嶠願言崇令業以繼南國召

過東昌有感

夜發高唐灣旦及東昌郭喬樹拂疎星霜飛月將落仰觀天
宇清平見原野廓白楊號悲風蔓草杳漠漠但見荆棘叢白
骨翳寒籜聖道縣日月斯人非虺蜚教養旣迷方欲熾性乃
鑿展季骨已朽清風散藜藿絃歌滅遺音繭絲盡籠絡鴟嘯
颺颺憑螽鳴草蟲躍遂令一變姿化爲跼與蹢况聞太行東
水旱薦爲虐飢氓與暴客表裏相倚着賑卹付羣吏所務惟
刻削征討乏良謀乃反恣剽掠坐令參苓劑翻成毒腸藥今

年秋租登行止稍有託餘波尚披猖未敢開一喙但恐習俗
成何由返初昨藩宣有重寄胡不慎遠畧往者諒難追來者
猶可作歌詩附里謠大猷希聖莫

南陵崔氏思梅詩

昔來梅花下綵服輝清尊今來不見人淚滴梅樹根梅落風
不回淚落化爲石冥冥入幽泉一夜千萬尺

晨詣祥符寺

上馬雞始鳴入寺鐘未歇草際起微風林端淡斜月僧房湛
幽寂假寐待明發松徑斷無人經聲在深樾

送鄭希道行省掾滿之泉州錄事

鄭君廊廟姿才識天下冠若華升朝霞可望不可翫胸中富
文史蔚蔚錦繡段公餘但好客高論幹雲漢蓮風散秋幕薇
露收夕案吳雲翼行輶閩嶠入奇觀撫字俟深仁剗繁讓明
斷嘉會復何時悠悠仰飛翰

寄題僕世本東溪漁唱亭

落日去層巒清溪澹輕浪嘔啞戢柔櫓款乃發孤唱初隨飄
風起復逐行雲颺月色照未闌灘聲雜逾壯恐有濯纓人一
聽一惆悵

發安仁驛

鷄鳴發山驛天黑路彌險烟樹出猿聲風枝落螢點江秋氣

轉炎嶂濕雲難飲佇立山雨來客愁紛紛

發龍游

微飈獻輕涼客子中夜發秋原曠無際馬首掛高月草蟲目
宮商葉露光可掇狹徑非我由周行直如髮揚鞭望南天晴
霞絢閩越

早行衢州道中

草際生曙色林端收暝烟露花泣啼臉風葉彈鳴絃農家喜
銍艾行歌向東阡大道無狹邪平原多稻田客行良不惡敢
曰從事賢

鉛山龍泉

茲山近南服勝迹冠朱方石骨入海眼地脉通混茫金精孕
清淑水德融嘉祥寒舍六月冰潤浹九里長鯨顙狎獵起虎
口呿呀張發竇旣窈窕流渠遂汪洋洞徹瑩玉鑑鏘鳴合宮
商靜含玄機妙動見大智藏養德君子類膏物農夫望野僧
向我言其功殊匪常飲之祛百邪能使俗慮忘漱嚥入靈府
喉舌生清香爽漸動毛髮飄忽凌風翔何當揚湛冽盡洗食
濁腸

初食檳榔

檳榔紅白文包以青扶畱驛吏勸我食可已瘴厲憂初驚刺
生頰漸若戟在喉紛紛花滿眼岑岑暈蒙頭將疑誤腊毒復

想致無由稍稍熱上面輕汗如珠流清涼徹肺腑粗穢無纖
畱信如殷王語瞋眩疾乃瘳三復增永歎書之遺朋儔

望武夷山作

飲馬九曲溪遙望武夷峰長林抱廻合丹崖造空濛浮暉澹
寒翠水木皆曼容薄遊限塵務促景尼奇蹤緬懷紫陽子千
載誰與同瓊佩邈烟霧石函闕遺封羈猿怨幽澗飛蘿冒芳
叢瑤琴空流泉桂枝徒秋風悵望佳期阻纏綿憂思重殷勤
尺素書願寄雲間鴻

發白沙至水口

夜發白沙驛亭午至水口中流鬱風霧密雨蔽原阜冥濛蛟

龍過隱鱗怒雷吼傾欹臥帆席馮翼惑前後畏途生頃刻而
倒亂足手倉皇投山館喜懼劇紛糾攝身整衣帶沾濕及肩
肘平生歷道路艱險頗曾受未能外形骸豈敢輕衰朽捐軀
匪成仁垂堂不宜狃總轡登前嶺烟雲尚昏黝經阻有妨虞
姬文亦奔走

早發建寧至興田驛

鷄鳴戒晨裝上馬見初日露泣葉尚俯霧重山未出客途得
霽景緩步非縱佚矧茲歲有秋高下俱穎粟牛羊散原野鵝
鷄滿阡陌懷抱旣夷曠神情自清謐寒花蔓籬落候蟲響蒙
密霞標青楓林雪凝烏柏實幽覽雖云遽佳趣領已悉我行

固無期况乃塵事畢

題武夷圖

崇山奠朱維實維羣山囿葱龍薄光景隱顯變氣候百泉縈
虹蜺萬谷蒸饌饈深根入無底峻表切星宿嵒陵削劍戟竊
窺錯錦繡騎雲擘高掌寶石室陰巖金雞鳴未晨玉女來自
逗琪樹縞玄宵瑤花落清晝美人遊不還霜月怨猿狖淒涼
駕壑槎蕪沒白玉樞蓬萊渺滄海弱水浩浸漚良辰不可掩
沉思令人瘦安得凌風翰飄飄逐飛鷺尋源挹孤清攀林摘
三秀逍遙觀物化俛仰空宇宙真詮倘可求吾將解吾綬

孔子克相送至鵲湖

憶昨過武夷欲往無與儔今茲逢故人遂得鵝湖游輕雲
征蓋翔風當鳴騶古塔挿蒼藹寺門啓平疇陟徑旣紆轡馮
軒亦繆流雲旗裊香霧金像明清秋昔賢論道處松柏深且
幽鴻飛渺滄海龍去空靈湫懷人已寂寞對景空淹畱興闌
成遠別馬首山悠悠

自衢州至蘭溪

秋郊歛微雨霽色澄人心振策率廣路逍遙散煩襟疎烟帶
平原薄雲去高岑湛湛水凝碧離離稻垂金薺麥霜始秀玄
蟬寒更吟幽懷耿虛寂好景自相尋心契清川流目翫嘉樹
林歌傳滄浪調曲繼白雪音仙山在咫尺早晚期登臨

九日舟行至桐廬

杪秋天氣佳九日更可喜衆人競登山而我獨泛水江明野
色來風淡汲鱗起蒼翠觀遠峰沆寥度清泚沙禽泛悠颺岸
竹搖蘿靡泝湍懷謝公臨瀨思嚴子紫萸空俗佩黃菊漫妖
蕊落帽非我達虛壘非我恥扣舷月娟娟濯足石齒齒澄心
以逍遙坻流任行止

從軍詩五首送高則誠南征

少小慕曾閔窮閭元幽棲丘園貢嘉命通籍廁金閨握筆事
空言塊焉愧梁鵠不如屬囊鞬結束習鼓鼙廟筭出帷幄白
日收虹蜺劒光帖滄溟旗尾縣鯨鯢振旅還大藩歌舞安旄

倪拂衣不受賞長揖歸蒿藜

江鄉積陰氣二月春風寒壯士縵胡纓伐鼓開洪瀾長風翼
萬軸撇若橫海翰馬銜伏轅門翊衛森牙官仗鉞指天狼怒
髮衝危冠

按節肅徒旅神劒宵有聲揮揮大旗動烈烈刁斗鳴仰看太
白高俯視滄波平王師古無戰螭獫安足烹人言從軍惡我
言從軍好用兵非聖意伐罪乃天討運籌中堅內決勝千里
道雷霆馘蛟鼉雨露澤枯槁懷柔首悍獨延訪及黎老牧羊
必除狼種穀當去草凱歌奏大廷天子長壽考

清晨絕長江日夕次海濱北風吹旆旌軍動速若神令嚴戎

馬閑九陌無驚塵伐鼓震溟嶠揚帆役鮫人鯨鱗京觀築鰐
醢華筵春喈喈布穀鳴祁祁農鳴春去子還故鄉悲喜集里
鄰荷鍾啓瓦礫再荷天地仁撫綏屬有望世世爲堯民

蛟谿詩

蛟乃龍之徒隱顯異几質屈蟠深彎環靈變不可悉清溪深
百湍漱滌見冽深寒飈黯離晶陰電煬幽室超騰雲雷猷訶
禁鬼神謐應龍翔中天溟汗濕箕畢大江揚濁瀾鼉蜃恣狂
謫閉藏當有待保養慎無失搜奇凜精魄跼步述故術餘巖
生長風林木暮蕭瑟

題林以仁平反詩卷